

國史列傳

滿漢大臣列傳

卷四十五

岳起

宗室祿康

覺羅琅玕

廣厚

伊江阿

明安

鄂雲布

台斐音

岳起滿洲鑲白旗人姓鄂濟氏由文生員中乾隆三十六年舉人四十二年由方略館議敘補授

昭西陵筆帖式五十年陞戶部堂主事五十三年陞本部員外郎五十四年陞翰林院侍講學士五十六年陞詹事府少詹事旋擢奉天府尹五十七年陞內閣學士兼禮部侍郎五十八年授江西布政使因查水災致疾告假歸旗調理

諭曰岳起自簡任藩司以來辦理地方事件尙爲妥協今因查勘被淹圩堤落水致病殊屬可惜岳起着卽回旗調理嘉慶四年病痊授山東布政使旋擢江蘇巡撫九月奏清查漕務積弊曰京中所關俸餉米石久有回糴米之名積習相名惟弊是營竟至米數之盈絀米色之純雜于不問是以旗丁領運無處不以米爲挾制卽無處不以賄爲通融糜費至今有加無已推原

其故沿途之抑勒由于旗丁之有幫費而旗丁之需索幫費實由于州縣之浮收竊思欲除一弊先絕其源而禁止浮收實爲絕弊源之首應請

諭旨勅下有漕諸省各按本省情形詳細籌畫列款指明嚴行禁止俾各省旗運及漕運倉場諸胥役無從更生觀望冀倖之心奉

硃批所指浮收折價及旗丁挾制需索各事實爲切當其另單所開幫船費用出運陋規並南帳北帳名目足見實心查覈將歷來積弊和盤托出從此案款清釐逐條嚴禁可期漕務肅清是月奉

廷寄胡觀瀾結交鹽政長隨高栢林修寺派累一案情節據實具奏尋奏查廣福寺年久坍塌非惠保民生之要工自應聽寺僧自行募修今高栢林係鹽政長隨希圖誇耀鄉里慫恿鹽政徵瑞捐銀五千兩胡觀瀾以知府大員明知工程浩大非五千兩所能辦理有意逢迎輒令該縣選舉董事飭發印簿派捐鄉鎮復因催繳不前差追滋擾以致民怨沸騰今胡觀瀾已經革



職永不敘用高栢林亦遞回原籍管束尙不能安服衆心相應請

旨將前捐錢二萬七百十串卽于胡觀瀾高栢林名下各半追賠惟查各商民所捐之錢爲數零星若令按戶給還轉恐書役地保頂冒侵蝕查蘇州一帶官塘石路橋道攸關閩浙等省文報且爲糧船經由緯道多有殘缺亟應修理請將胡觀瀾等罰賠之錢留爲修理塘務工程之用得

旨允行五年署兩江總督五月查辦南河積弊人員莊剛錢普等侵漁舞弊奏入莊剛錢普逮罪七月奏揚州關征收盈餘溢額稅銀儘數解報以歸核實十月奏江蘇兩藩司耗羨酌核刪減同閑款各實存銀數造冊報部惟有率同詳慎覆核加意撙節不致稍有浮濫俱

敕部施行十一月偕總督費淳奏陳江浙輕齎米石原定折價每石五錢太少本不足以服旗丁之心但因旗丁運費不敷竟全行改爲本色百姓以銀交米頓覺浮多亦有難行之勢與其以虛名相沿致旗丁轉生覬覦莫若征收實數俾民丁永絕葛

藤應請嗣後江浙輕齎折價以十成折算分爲四六將六成改征本色以撫旗丁四成竟與豁免以惠百姓奏入

上飭大學士九卿會議駁曰據該省市價每石總在二兩上下約略核算完納前六斗之米較原定折價幾多至一倍有餘是使小民虛受四成豁免之名轉增六成加本之累實與加賦無異況折徵銀兩尙虞加耗滋弊今若改徵米石更可藉口浮收國家愛民薄歛之心業經百有餘年未便輕議更張事遂寢六年二月奏審明職給韓怡呈控紳士鄒光國妄呈知縣黎誕登實政黎誕登於衆紳士之前將所辦之事自行誇張欲人見好迨王文治攢集實政索看後並不將溢美之處深自引咎亦不將保留之議行阻止洵屬沽名釣譽且貼給夫價毫無覺察李魏氏在逃三年未獲于購房細事擅責生員又將久經例禁之班房不拆實屬溺職應照例革職得

旨依議四月奏借項挑築河堰以資保衛毛城鋪迤下洪減等河及天然閘下河道前因邵工漫水下注以致河身淤成平陸兩岸堰上衝塌必須挑浚深通補築堰工以資黃水分洩暢達

無阻上游之河南永城縣洪河下游蕭碭等縣境內河堰尤應趕緊挑築其所借銀兩分作五年按畝攤徵庶民力得以舒徐田疇得以利賴得

旨允行五年奏審河工舞弊人員莫澣身列職官乃公然于任所開設□□及將貨物運至工所居奇網利漁及賤役民夫種種卑鄙巧詐實屬不堪奏入莫澣擬罪八年來京

陛見以疾留京署禮部右侍郎七月承辦

孝淑皇后永遠奉安事議之王大臣禮部堂官于會奏摺內粗心疎忽措詞不經

諭曰岳起現在患病著不必署理禮部右侍郎仍以革職留任註冊是月卒

諭曰岳起自簡任封圻以來歷年未久而操守清潔在督撫中最爲出衆前日來京時見其病後氣體未充特令留京調攝以冀速痊茲聞溘逝殊堪軫惜岳起著加恩加贈太子少保銜照侍郎例賞給卹典其各任內降革處分悉予開復至伊現無子嗣同族又無堪繼之人所有伊家墳墓祭田無人經營著該旗

照例查辦八月奏臣等遵將

諭旨宣示岳起之妻孀婦隨將伊家現有房四間契紙一張地七十六畝內除給族衆作爲墳地四畝並本家立墳地十五畝下剩地五十六畝五分契紙一張呈旗查辦查定例凡有因無子嗣呈出應入官地至一頃以下則以三十畝爲祭田其餘畝全行入官今岳起係有妻室復蒙聖主優渥之人伊妻孀婦呈出地畝不敷一頃若按例辦理轉覺有負

聖主鴻施臣等遵奉

上諭將岳起妻呈出房契一張地契一張卽存貯該旗于每年應得租錢京錢四十千文仍交伊妻孀婦作爲祭掃修墳之用俟岳起妻沒後將呈出五十六畝五分地交該佐領于所得租錢派人承管一半作爲祭掃之用一半作爲修理墳塋之用得旨依議

宗室祿康正藍旗人由宗人府筆帖式洊陞理事官乾隆四十六年擢山東道御史五十一年轉吏科給事中尋擢內閣學士



五十二年遷盛京禮部侍郎嘉慶四年三月調刑部右侍郎兼正紅旗漢軍副都統五年轉左侍郎調鑲黃旗滿洲副都統七月兼公中佐領十二月調吏部右侍郎五年四月轉左侍郎八月擢都察院左都御史十月奏奉天省倉儲米石請仍照舊例出陳易新以便民食得

旨允行十一月授正黃旗漢軍都統六年正月擢兵部尚書

賞紫禁城騎馬二月擢刑部尚書七月充

經筵講官八月充崇文門副監督七年正月授步軍統領

賞戴花翎祿康以步軍統領衙門與刑部有交涉事件不便兼攝具摺懇辭

上嘉之

命專辦步軍統領事務兼正黃旗漢軍都統

賜南海定寓屋一所三月調戶部尚書

諭曰戶部堂官多有在內廷行走者不能每日進署祿康係步軍統領在圓明園直宿今既補授戶部尚書著不必在園輪值俾得時常進署辦理部務八年奏新例番役子弟不准應試入



仕今番役招募無人請弛其禁御史王麟書劾之

諭曰隸卒人等所以不准考試入仕者賤其役非賤其人尋常氓庶原係良民一經充當差捕則執役微賤自不得濫邀登進若謂係由良民而來則各衙門皂役獨不自良民來乎況上年甫經降旨定例遵行番役等從前得過頂戴不准以實缺補用其子孫應試中式者祇准留其舉貢生員不准選用官職其現在出仕者概令撤回今未及一年復請准令入仕予奪靡常成何政體且據祿康面奏此項番役卽不便令其濫廁文員或請加恩准令備官武職俾知鼓勵更屬非是國家文武分途名器則一有何高下若准令補授武職日後必致漸廁文階又將何以限制如爲良民咸知賤役不肯踴躍充當則各衙門皂役設亦挾制官長以此爲詞豈將隸卒子孫亦概准其居官考試有是理乎看來祿康等未免爲番役所挾制或竟受其慫恿意存市恩故爲此奏殊屬冒昧著交部議處部議革任

上念其係爲鼓勵起見且事未施行改爲革職留任九年二月京察屆期

諭曰祿康職任度支兼管步軍統領辦事勤妥交部議敘五月三陵總管文昌保呈請借給俸銀祿康等不按例批駁率行具奏

上飭其邀譽市恩交部察議六月調鑲白旗滿洲都統七月授協辦大學士加太子少保銜尋因前管錢法堂事務失察寶泉局虧短銅斤部議革職

上寬之

命查歷任正署滿漢侍郎之失察銅斤者分別久暫核議攤賠祿康不核計收銅次數之多寡僅以在任月日分別入奏有失平允

上飭之仍交部察議九月所轄汛地被盜部議革職

諭曰祿康平日未能督率營員認真緝捕已屬失察及經召對尤以盜案在疑似之間袒護營員本應照議姑念一時乏人加恩免其革任仍註冊十年五月西洋堂人德天賜等刊書傳教上以歷日該管大臣不能實心經理

命祿康偕尙書長麟侍郎英和管理西洋堂事務並公同妥定

章程奏入

允行護軍校皂保先以糾集抓金會欠錢起釁革職復慮衆人索欠欲圖禁止抓金會捏飾不法情節匿名具控祿康督飭司員和舜武密訪得實

上嘉之寬免處分二案

命稽察欽奉

上諭事件處閏六月

諭曰祿康之父炳文于乾隆年間御史任內條奏失當革職發往伊犁年滿回京復

諭令在家閒住不准戴用四品頂戴每月支食三兩錢糧實屬罪所應得今祿康疊加擢用協贊綸扉管理部旗及步軍統領事務能小心謹慎克勤厥職伊父炳文著加恩賞給四品頂戴在家食郎中俸用示推恩錫賚至意十一月授內大臣十一年五月充國史館正總裁官十月

命爲閱兵大臣十一月解步軍統領授東閣大學士管理戶部事務十二年京察屆期交部議敘十四年正月

上以祿康之父年屆八旬于二月初三日稱祝

命將覃恩應得封軸先于開印時用寶給發以昭優眷是月仍授步軍統領五月管理戶部三庫事務十二月書吏王書常等偽造工部印文捏款咨領三庫銀兩祿康在任失察六次

命革去太子少保銜降補協辦大學士戶部尙書十五年五月仍授東閣大學士加太子少保銜管理吏部事務十六年正月充崇文門監督四月因鑲白旗滿洲馬甲慶幅縋城入倉盜米事覺部議降調

命革退鑲白旗滿洲都統加恩改爲革職留任御史景德奏都城私拆房屋衢巷多隙地柵門啟閉虛設

上以步軍統領管轄廢弛飭之六月御史韓鼎晉參奏內城諸大臣轎房聚賭

上命祿康查拏而祿康家轎夫亦串通家人開局聚賭

命交都察院嚴加議處尋議革職

諭曰祿康係大學士兼任步軍統領凡京城內有不法滋事匪徒皆當督飭所屬嚴拏庶物淨盡使奸宄斂跡輦轂肅清方不



負委任乃未能先事拏獲伊家內轎夫及合家衆人串通開局更毫無覺察形同木偶其咎較他人爲重本日復據奏續獲開局聚賭人犯通計有十六起之多祿康前在步軍統領任內因其賦性軟弱特令文寧管理嗣因文寧調簡任乏人仍令祿康兼管乃前後在任數載于地方應辦事務一味廢弛本應照議罷黜姑念祿康供職有年時常患病著革去太子少保內大臣東閣大學士管理吏部事務步軍統領稽察欽奉上諭事件處經筵講官閱兵大臣管理戶部三庫事務崇文門正監督國史館總裁管理右翼宗學管理西洋堂紫禁城騎馬並拔去花翎加恩降爲正黃旗漢軍副都統十六年正月

命管理圓明園包衣三旗官兵事務十七年丁父憂尋授鑲白旗滿洲都統十八年四月調熱河都統未到任

命留京署理正藍旗漢軍都統十月失察所屬兵丁曹幅昌聽從逆匪林清入教部議革職

諭曰祿康係棄瑕錄用授爲都統自應認真整飭旗務以贖前愆乃所屬兵丁曹幅昌從習邪教並與知逆謀該犯居住都城

非屯居漢軍可比祿康在任毫無覺察兵部議以革職實屬罪所應得革去都統加恩賞給四品頂戴以宗人府理事官用尋訊出曹幅昌之父獨石口都司曹綸聽從林清教豫知逆謀諭曰曹綸身爲都司以四品職官從逆罪大惡極該管都統漫無覺察其咎尤重祿康著革去宗室四品頂戴副理事官以筆帖式發往盛京派令管束移居宗室各戶即在小東門外新建公所居住永不敘用十九年四月

諭曰祿康在盛京居住頗知敬畏約束衆宗室亦甚妥協著加恩賞給主事戴用四品宗室頂戴一同辦事二十年四月因宗室營居住宗室喀勒明阿獲罪

上以祿康漫無約束降爲筆帖式是年十二月卒子耆寧現官內閣學士

覺羅琅玕正藍旗人由覺羅學生捐納筆帖式陞盛京戶部主事旋擢刑部員外郎乾隆四十六年五月遷本部郎中四十八年擢內閣學士兼禮部侍郎十二月授江蘇按察使五十年四月擢刑部右侍郎五十一年九月授浙江巡撫先是嘉興杭州

寧波台州金華温州等府以沿海沙漲地畝積年民竈互控未結者百有六案琅玕到任後辦理完竣五十二年以臺灣林爽文滋事閩督李侍堯集兵進勦札商到浙令豫籌糧餉十餘萬石琅玕以爲若由陸運腳費浩繁且延時日不若海運爲便飭藩司于乍浦寧波温州海口附近府屬共撥穀十六萬石豫爲碾備又以海運全資風力夏至後南風當令恐有遲滯復飭各府再分動倉穀四萬石碾米二萬石雇覓堅固船隻分行裝載派各府營弁趕緊運兌奏入

上嘉之五十三年正月因總兵柴大紀各劣欸琅玕告之德成並不自行陳奏及降

旨詢問始將風聞之處奏聞又因温州洋面解閩官錢被劫地方官諱盜不報先後交部嚴議議上奉

旨免其革任五十四年四月奏言浙省沿海范公塘舊設石埧十一座一遇潮水猛勇之時易捐難修不若柴盤頭一項釘木作椿根脚相宜雖風潮大汛可無沖散之虞請于現在石埧沖捐者卽行改建柴盤頭其尙屬堅固者俟于應行修築時一體

改建得

旨如所議行五月因寧海營健跳汛洋面船戶葉加玉周加貴等漁船盜殺多命經總督伍拉納參奏琅玕未經入告

嚴飭之旋以琅玕鞫訊疎防各官未能明允復令詳查具奏尋審明葉加玉等赴汛喊稟時署守備姜起榮在雞籠山巡洋葉加玉等在寧海縣倩代書王榮文作詞欲赴汛官告理殫于回程迂遠從榮文謀裝敘守備不肯收辦情節在營縣呈報參將愛新泰接回呈詞未及轉訊卽通報總兵劉文敏總兵一面呈報提督一面行文嚴查琅玕審明後未將添捏情節之代書照例治罪被人誣告之姜起榮奏請開復並將愛星泰姜起榮定以發遣伊犁總兵劉文敏擬以軍台効力奉

上諭飭駁

敕部嚴議部議革任

上寬之旋自請罰銀三萬兩十月又以失察閩民黃崑山商船在洋被盜並殺傷附船回營兵丁部議革任仍寬之復以琅玕撥運閩省軍餉米石辦理妥速



命交部甄敘十一月撥寶浙局錢文委員運往上海附搭米船解閩應用

上以其奮勉急公實心任事再予甄敘五十六年六月兼署杭州織造並南北兩關印務時安南夷人到浙琅玕與司道捐廉起屋四十五間妥爲安插並以該夷無生計產業以杭紹二府入官沙地分給該夷人永遠養贍

上嘉之先是嘉善縣糧戶因糧書浮收舞弊赴京呈控有

旨令伍拉納訪查嗣經查明並有嘉秀二縣書吏舞弊琅玕自以不能督除漕弊奏請革任

諭曰琅玕既屢獲愆尤又 inability 除積弊且浙省巡撫兼綜鹽漕事務繁劇琅玕才具中平亦難勝任著賞給頭等侍衛前往哈密辦事九月因奏藩司顧學潮患病遲延

嚴飭之並令自行議罪尋請繳銀四萬兩復以撫浙時所屬漕務不能督辦妥協再請繳銀三萬兩五十六年正月又以撫浙時于海塘工程被風潮沖捐並未親往查勘僅將應修之工入于七八兩月沙水情形摺內修辦